

[Utama](#)[Info UMK](#)[Pra-Siswazah](#)[Pascasiswazah](#)[Fakulti /Pusat](#)[Fakulti Keusahawanan & Perniagaan](#)[Fakulti Teknologi Kreatif & Warisan](#)[Fakulti Perubatan Veterinar](#)[Fakulti Industri Asas Tani](#)[Fakulti Sains Bumi](#)[Pusat Bahasa dan Pembangunan Insaniah](#)[Pusat Pengajian Siswazah](#)[Kampus](#)[Utama](#) ► [Berita Terkini](#) ► UMK beri impak kepada pembangunan Jeli

UMK beri impak kepada pembangunan Jeli



KEMAJUAN pesat kampus Universiti Malaysia Kelantan (UMK) turut dirasai oleh penduduk Jeli terutamanya dalam meningkatkan taraf sosioekonomi penduduk sekaligus merancakkan pembangunan infrastruktur awam di sekitar kawasan kampus universiti itu dengan pelbagai kemudahan.

Menteri Perdagangan Antarabangsa dan Industri, YB. Dato' Sri Mustapa bin Mohamed, penubuhan UMK memberi manfaat besar kepada masyarakat Jeli dan seharusnya mereka mengambil peluang ekonomi dengan menyediakan pelbagai keperluan untuk menampung permintaan warga universiti.

Katanya, selain itu, pelbagai program yang dianjurkan oleh Universiti juga dapat memberikan manfaat kepada penduduk seluruh daerah Jeli disamping universiti dapat memindahkan sebahagian ilmunya kepada masyarakat.

"Sehubungan itu, pengajuran pelbagai program dan aktiviti kemasyarakatan membolehkan universiti berhubung secara rapat dengan masyarakat. Ini dapat mengubah persepsi masyarakat terhadap universiti yang dianggap berstatus eksklusif dan elit," katanya.

Beliau berkata demikian pada Majlis Ihya Ramadan dan Majlis Berbuka Puasa Universiti Malaysia Kelantan (UMK) Jeli dengan Masyarakat, di kampus Jeli, di sini, semalam.

Sempena majlis itu, Dato' Sri Mustapa dan Naib Canselor UMK, YBhg. Prof. Dr. Raduan bin Hj. Che Rose turut menyampaikan sumbangan wang zakat kepada 190 anak yatim daripada pelajar sekolah rendah dan menengah di seluruh daerah Jeli.

Dato' Sri Mustapa berharap, kehadiran anak-anak yatim ke UMK memberi motivasi kepada mereka untuk belajar bersungguh-sungguh sehingga dapat peluang melanjutkan pelajaran ke peringkat lebih tinggi.

Majlis itu turut menjemput penceramah dari Mesir iaitu anggota termuda Majlis Fatwa negara itu, Sheikh Mohamed Abdelaziz Mahmoud Ghonim untuk menyampaikan tazkirah Ihya Ramadan selepas solat Asar.



Sementara itu, Prof. Dr. Raduan berkata, beliau percaya penganjuran majlis Ihya Ramadan sempena menyambut kehadiran bulan Ramadan ini sebagai salah satu inisiatif UMK untuk merapatkan lagi hubungan dengan masyarakat setempat.

"Saya menyeru kepada semua penduduk untuk bersama-sama menjayakan program bersama Universiti dan masyarakat dari semasa ke semasa untuk mengerakkan tali silaturahim," ujarnya.

Menurut Prof. Dr. Raduan, UMK turut mengalukan kehadiran Dato' Sri Mustapa pada majlis itu walaupun jadual beliau padat dengan pelbagai program dan aktiviti.



Bilangan Pelawat :
297678



Hakcipta © 2012 Portal Rasmi Universiti Malaysia Kelantan.
 Paparan Terbaik Mozilla/Firefox/IE/Safari/Camino/Opera Friendly
 Universiti Malaysia Kelantan, Karung Berkunci 36, 16100 Pengkalan Chepa, Kota Bharu, Kelantan
 Tel : +609 - 7717000
 Fax : +609 - 7717022
 Email : webmaster@umk.edu.my
 Tarikh Kemaskini: 05/11/2012, 00:33:29.